

WOŠKROT

čo. 46

- a) čapor, njetrjebawše wěcy w kólni
- b) persiska kartowa hra, podobna na škot
- c) zmjerznjeny lód na dróze

Prawa je wotmołwa c.

Woškrot je zmjerznjena woda. Je to cyle ćeńka woršta loda, kotraž je jara strašna za wobchad a tež za pěškow. Wosebje hladki je w zymje asfalt, hdyž je zmjerznjeny. Tola tež chódnik móže być z woškrotom počehnjeny a z tym hladki.

Takle móžeš to tež prajić

jako adjektiv:

hladki, wobsuwaty

Přikłady z rěčneho korpusa

W stolicy Berlinje bě *woškrot* wobchadej njemałe ćeže načinić. Narano běchu dróhi dospołnje polodžene, dokelž trjechi poměrnje ćopły dešč na zmjerznjeny asfalt ... (Serbske Nowiny 2010, oktober – december)

Druhdže zaso móže z deščowanjom *woškrot* nastać a tak šoferam njemałe ćeže „wobradžeć“.

(Serbske Nowiny 2010, oktober – december)

Němska wjedrowa služba w Podstupimje warnowaše džensa rano znowa před sněhom a *woškrotom*.

(Serbske Nowiny 2010, oktober – december)